

永春縣志卷十三

學校志

序曰自古言學校之盛者必推成周顧由漢至清內而京師外而郡縣下逮鄉遂里閭之間自非僻處蠻荒遭逢兵燹未嘗無學校也宋之學宮元之書院書院起於宋而元為盛世祖至元間諸路學校之數多至二萬餘所

明之社學皆當時之所尙有清盛時兼而有之然皆黼藻承平有餘挽回傾亂不足豈造物艱於生才良士慳於報國毋乃所以養之教之取之用之未得其道耶永春舊志於學宮制度名物詳哉言之而官何以教士何以學膳宿之地廩給之差升黜之法並無一字及之亦可見徒侈觀瞻無裨實用矣書院社學

永春縣志

卷十三

學校志

一

闕略彌甚今約以聞見所及釐而正之其官號因革歸之職官宮室創修詳於建築聖哲名氏具於祠祀祭奠之禮物儀節則具於通禮別有專書皆不復覩縷以省繁複惟中小學堂雖近始明備實皆萌芽於有清亦稍述梗概焉至於學科制度有學部舊章在亦無煩贅及也

學制

學官

學額

學祠別詳祠祀志

宋神宗元豐間大興學校諸路州府學官共五十三員福建路惟建州置教授一員後以養士數多增至三員永春時屬泉州無儒官想府縣之長官兼理也據文獻通考孝宗淳熙九年知縣事陳宏規增弟子員其員數未詳舊志

元置教諭一人 學額無考

明太祖洪武二年詔天下府州縣皆立學縣設教諭一員訓導二員據舊志訓導只一員想因明制縣有上中下之分時永春

爲下縣屬泉州故視他縣減其一也

通考舊志參訂

據莊際昌周侯碑

永春舊庠額十五名後遞增至二十名天啓七年以知縣周堪賡請於督學增額四名是永春歲科生員名額至明季始增至二十四名也 洪武十五年四月賜學糧增師生廩膳 宣宗宣德元年定增廣生員額 廩生增生始此惟額數無考

清沿明制儒官名數如舊至雍正十二年升永春縣爲州改教諭爲學正訓導如舊 學額廩膳生員三十名增廣生員三十

永春縣志

卷十三

學校志

二

名附學生員歲科兩次舊額每次取十二名蓋視明季年減半也乾隆四年知州杜昌丁詳請照州制增額取十八名武生舊額十二名增至十五名咸豐間以洪楊之亂捐助軍需加取至二十五名 其餘考課學官之法及生員黜陟之制巾服之式臥碑禁條具載三通考及學政全書中不錄

學田

學田之制始於宋仁宗之賜兗州以勵郡縣立學而永春自宋元未有置者至明中葉後知縣柴鑣始以舊學地官田給授里人顏溥鄭莊彥顏時靜入金充徙學費後知縣羅汝涇復遷學於官田市仍以白馬地基還之溥與莊彥男應科時靜孫廷榮

俱不受歸之官得田園二十四畝零復於官田學西墾地墾園七十畝學地基并泮池地得租二十石又增入沒官隱匿田二十二畝零今此數項僅存官田市租六兩四錢解司給發貧士其後歷有增置至清初順康間有學田二十九畝載租二十三石八斗二升康熙二十一年總督姚啓聖捐置田七畝九分知縣鄭功勳捐置田三畝四分教諭蔡祚週捐置田一畝八分零三項共載租五十二石六斗

書院

文公書院 在學宮左舊在十四都留灣明嘉靖三年知縣柴鑣建中爲正堂祀朱子後爲講堂兩翼建樓二左曰識風右曰

永春縣志

卷十三

學校志

三

同月四十一年燬於寇續建於州治東北隅清順治三年復燬康熙二十三年知縣鄭功勳教諭蔡祚週遷於州治之東卽今學署中祠地也正室三中奉朱子像後爲學舍四前爲魁星樓文昌閣乾隆十二年知州杜昌丁建講堂三間兩廡學舍四間延師集生徒肄業其間捐銀四十三兩七錢零置田三畝一分零並西壩新墾地租爲師生膏火之資二十一年署知州鄭國望又增學舍六間三十二年知州嘉謨以其中講堂改建明倫堂并移附兩學署於後迄 間祠存而書院廢矣

正音書院 在文公祠內乾隆元年奉旨設正音一人以鄰省候選教諭曉官音者爲之時委浙江仙居縣貢生鄭先行主之

歲給廩俸乾隆三年停止

梅峯書院 在梅峯之麓乾隆三十一年知州嘉謨建并籌經費永爲膏火之資 一田租溼穀一萬四千七百九十七斤折實穀一萬一千八百三十八斤計當倉穀一百石六斗二升三合 一武廟前店租銀六兩 一沙埔稅銀八兩三錢八分八釐 一育嬰堂房稅銀九兩六錢 一當舖俗稱典當領生息銀一千六百八十四兩六錢四分一釐每年收息銀三百零三兩二錢三分五釐三毫 嘉謨梅峯書院碑記 永春課士無書院宜亟治之以振文教此丙戌春黃司馬告政之言也余踵其議應募者如響至秋七月而鉅工克舉孫櫟王大猷歸其虞芮之

永春縣志

卷十三

學校志

四

業以爲基紳士王應鐸王澤霖顏光達黃文璉方輝錦黃大塊鄭廷鴻孫克念鄭良載及孫櫟釀銀三百六十員請建講堂余嘉十人令董其事復售基旁隙地而擴充之門牆後樓計深四落翼以廂房貲無虛糜工無曠晷告竣於臘月中浣共費募金二千八百五十員顏曰梅峯書院以山名也餘金購產權息爲膏火舊存新置田若干畝生息銀若干兩及各捐戶姓名數目田畝段落另勒一碑以志不朽夫守土者豈能以賁育制人敢襲衆美爲己力乎方經營未定與州司馬李君經芳正深一簣之虞迺衆志雲駢輸將恐後閱五月而樂觀其成於以覘聖世昌明山隅皆鄒魯他日簪纓黼黻固可以屈指計而陶鎔品類

日臻乎聖賢之域莫不由讀書崇道而來者更可爲衆士庶卜賢後昆之蔚起實皆自詒燕翼之謀也至若擇名師籌經費歷久無替則又賴後之君子始終一轍焉耳附學政韓城王杰記

閩粵爲東南奧區而永春在唐以前本南安縣之桃林場已隸泉州爲縣深山長谷俗尙淳樸我朝重熙累洽沐浴休養積百數十載衣冠文物益盛於前雍正十二年升縣爲州屬德化大田於是學使者三年中輶車再至焉甲申冬余奉命視學閩中聞茲州人士向化慕學雅尙經術心竊喜之丙戌初夏至其地見隸於黌宮者皆彬彬然質有其文進諸生而首試以御纂諸經欽定三禮義疏類多恪遵經訓之士間以髫齡弱歲亦能

永春縣志

卷十三

學校志

五

默誦其章句乃益信地之可以爲良而聖人在上聲教之暨訖無閒於遐邇有如此也是時三韓嘉君謨甫守茲土詢風俗求利弊審爲治之先務迺議建書院以爲諸生羣聚講習之所州舊有文公書院歲久而圯地亦湫隘難容前此黃君寬宋君應麟皆節俸倡捐旋以署篆未久弗果舉嘉君乃復倡捐而亟成之移其址於梅山之麓因名曰梅峯而仍祀文公於其內不數月而講藝之堂棲士之舍畢具嗚呼嘉君其知政哉夫書院之設所以講業也先王之道散在六經返而皆備於吾躬自親師之道不著而士之安於孤陋者旣無由擴其識見務進取者又惟名譽之求而斯世之所以賴有士者鮮或知之矣程子曰古

之學者爲己其終至於成物今之學者爲人其終至於喪己夫學苟爲人雖博聞強識黽勉善行猶不免於爲僞况復溺志詞章僅爲利祿寵榮計者其苟且矯飾之弊可勝言哉永之士咸知向學矣必將辨夫修己治人之道皆爲性分所固有職分所當爲則識不拘於卑近功不閒於隱微而後能析乎義理之精而有以通乎天下之故夫如是士之羣居萃處朝夕講明乎經義者豈特爲異日分猷出治之材已哉其自家庭以及里黨交遊之地莫不有其躬行之實而所謂修己以安人者亦卽於此驗焉禮教行而風俗茂矣安見潛移默化之無其具也今嘉君又將擢任去未獲觀其成效多士其黜浮崇實期無負嘉君之

永春縣志

卷十三

學校志

六

意以上副國家菁莪棫樸之化後之官斯土者睹才俊之蔚興而栽培造就之方必將相衍于無窮余故樂書之以美嘉君且以爲永之人士勉也乾隆三十二年歲次丁亥四月上浣日
按梅峯書院道里適中近市而有山林清曠之觀實名勝之境也自建設後文學蔚興掌教者如賴其瑛黃鳳儀方以鎮李祥愷陳邦詹陳錫恩何家珍陳佩韋皆士林之望而以鄭駿甫庫使終焉洎科舉廢而學校興李知州樹敏勗建中學堂實肇基於此後雖遷於督學行署然十年後兵戈洊起城陷而學宮爲牧馬之場仍返校舍於梅峯焉雖陵谷變更良難逆料而儒雅之區應不至鞠爲茂草則私心竊有冀焉舊

地舍宇多不適用屢修拓而未臻完美其左畔一樓與舊院南北易向者則數來者愚與家子瑩大令謀擴充適逢陳君瓊堂捐地而梁君肇基助千金以底於成也惟田租久收折色前嘗充中學校經費又改充勸學所經費近以充潤中學校基金其冊籍該校總董收存

鵬山書院 地在環翠亭之左與亭連爲一區中隔一牆同治季年李公景沆致仕里居知州翁公學本敬其學行欲尊異之以式多士籌款建設延李公爲掌教李公沒後繼之者若李因時薛德先林汝南林式璟諸先生皆卓有可稱科舉旣罷書院鎖閉未幾老成凋謝而棟宇亦傾圮無餘矣惟亭尙存 有碑

永春縣志

卷十三

學校志

七

文因歷駐軍隊置甌其間爨煙所薰不能鈔錄闕

懷古書院

同治間建知州向燾有碑記其事

見名勝志

梯山書院

在桂洋同治間里人林天德林祖齡等同建

社學

明洪武八年正月詔天下立社學令民間子弟兼讀御製大誥及本朝律令永春舊志載社學十有四所惟缺建設及廢除時代或有所諱歟

順治八年禁生員聚衆結社九年頒臥碑於直省儒學復申言之

今錄其社名

位置如左

- 一文興社學在城隍廟左
- 二雲龍社學在雲龍橋南
- 三紫陽社學在坊東北隅
- 四迎暉社學在永暉門外

五西門社學在西門十五都

六儒林社學在儒林田舊學坊

七上場社學在上場十三都

八龜龍社學在龜龍九都橋

九壽峯社學在姑十鄭二都小坂

十長安社學在小十姑一都

十一文章社學在小十姑一都

十二蓬湖社學在七都

十三西陵社學在之十一西都小姑隅

十四五峯社學在之十一東都小姑隅

射圃

明制也太祖洪武三年五月詔國子生及郡縣學生員皆習射帝以先王射禮久廢弧矢之事專習於武夫而文士多所未解乃命禮部考定射儀頒於官府學校遇朔望則於公廡或閒地習焉二十五年八月命國子監闢射圃賜諸生弓矢續文獻通考永

永春縣志 卷十三 學校志

八

春射圃舊在白馬山儒林之東嘉靖三十一年知縣羅汝涇遷學於官田舊址以學基曠地為射圃建觀德亭羅汝涇有記今

廢舊志

學堂

中學堂 光緒三十一年初建於梅峯書院三十二年移建於州城內考棚名曰永春州中學堂 先是清德宗皇帝自中日戰後知非變法維新不足以圖強而科舉之制度積弊已數百年士人殫精力於八股試帖而不知當世之務乃用康有為等言欲罷科舉設學校用歐美學制以變士風求人才事未行而有瀛臺之變孝欽太后復垂簾聽政新法皆中止洎庚子義和

團構釁外國聯軍迫京師孝欽與德宗奔陝西乃命兩廣總督李鴻章及慶王奕劻等與外國議和次年回京乃實行變法以漸停罷考試設立學校詔直省各道府州縣次第舉行永春知州自黃運昭及陳模任內卽有改書院爲學堂之議以舊學紳士多反對者及無見款中止及李公樹敏莅任署湄洲協鄭安邦時適回里自捐銀元一千爲倡更向南洋就華僑富商募捐中學堂遂於丙午春成立開辦時以州同廣東人吳佐熙爲監督訓導吳長慶南安教諭林式璟舉人鄭翹松歲貢生鄭楚翹福州船政學生黃樹聲等爲教職員諸生鄭玉輝等三十餘人皆入校肄業迨三十二年春州諸生宋淵源林鴻懋孫逢文自

永春縣志

卷十三

學校志

九

省垣師範簡易科學堂畢業歸永時肄業者益衆乃簡其年較長者爲師範生淵源等俱聘延入校任教員監學及勸學視學等職務淵源建議以梅峯地窄房舍寡少不適於用乃請於樹敏改建督學試院爲校舍旣成自梅峯移住焉師範簡易科附設其中是年吳長慶林式璟皆辭職以舉人周騰雲代之兼監學員時淵源任視學故也三十三年騰雲卒以訓導林炳輝爲監學學正陳新滋爲教員鴻懋亦卒宣統二年甲班生周祖武陳朝品周熙謀三人畢業其乙班生許清秋梁灝光十餘人至民國元年乃畢業餘年齡較長者若鄭玉輝周欽若鄭席珍顏毓秀等數十人俱改入師範故也宣統三年冬監督吳佐熙去

職民國後改爲縣立中學校

官立小學堂 卽舊學署內明倫堂爲教室餘房室爲膳宿舍
及教職員住室光緒三十二年建宋淵源孫逢文遞任校長
新智小學堂 在儒林里宋氏祠堂光緒三十二年宋淵源之
父忠勳與其里人捐貲開辦

文明小學堂在儒林里中街孫氏宅內光緒三十二年王安國
與五里街士商募捐開辦

右四校永春在清季最初之建設也其制度及校中教科均
詳見學部章程有專書故不具錄